



হলিউড বলিউডের ২০২৪

নিয়ম মেনেই বিদায় নিলো ২০২৪ সাল। প্রতি বছরের মতো এ বছরও অনেক চলচ্চিত্র মুক্তি পেয়েছে বিশ্বজুড়ে। বছর শেষে এসে হলিউড ও বলিউডের ব্যবসাসফল সিনেমার তালিকাও প্রকাশ হয়েছে। বিশ্ব চলচ্চিত্রের খোঁজ খবর যারা নিয়মিত রাখেন তাদের চোখে হয়তো পড়েছে সেসব খবর। দেখা গেছে অনেক প্রত্যাশিত চলচ্চিত্রও তেমন সাড়া জাগাতে পারেনি। আবার অনেক চলচ্চিত্রই বক্স অফিস কাঁপিয়েছে যে চলচ্চিত্রগুলো নিয়ে তেমন আশা করেননি চলচ্চিত্র বোদ্ধারা। রঙবেরঙের পাঠকদের জন্য হলিউড বলিউডের ২০২৪ সালে মুক্তি পাওয়া ব্যবসাসফল সিনেমাগুলো নিয়ে এই আয়োজন। চলুন দেখে নেওয়া যাক আন্তর্জাতিক বক্স অফিস ও আইএমডিবি'র বাণিজ্য সূত্র অনুসারে ২০২৪ সালে বক্স অফিস মাতিয়েছে কোন কোন চলচ্চিত্র।

হলিউড

প্রতি বছরের মতো এ বছরও অনেক চলচ্চিত্র মুক্তি পেয়েছে হলিউডে। বিশ্বের সবচেয়ে বড় বিনোদন কেন্দ্র হলিউডে এ বছর ব্যবসাসফল সিনেমার তালিকা বেশ বড়। হলিউডে এ বছর ছিল অ্যানিমেশন সিনেমার দাপট। করোনার আগের বছরে আট শতাধিক ছবিও মুক্তি পেয়েছে যুক্তরাষ্ট্রে। মহামারির ধাক্কায় সেটা অর্ধেকে নেমে এসেছে। তবু সংখ্যাটা নেহাত কম নয়। এ বছরও প্রায় পাঁচশ আমেরিকান ছবি মুক্তির আলোয় এসেছে। এ বছর হলিউডের মান বাঁচিয়েছে শুধু অ্যানিমেটেড ছবি। বছরের ব্যবসাসফল ১০ ছবির মধ্যে অর্ধেকের বেশি অ্যানিমেশন ছবি। ২০২৪ সালে হলিউডের যে ১০ সিনেমা গড়েছে আয়ের রেকর্ড।

ইনসাইড আউট ২

২০২৪ সালে সাধারণ মানের 'ইনসাইড আউট ২' মাতিয়েছে হলিউড পাড়া। ২০১৫ সালের 'ইনসাইড আউট'-এর এই সিকুয়েল আয় করেছে এক হাজার ৬৯৯ কোটি ডলার। এ বছর এটিই হলিউডের সর্বোচ্চ আয়কারী ছবি। আইএমডিবি ও বক্স অফিস মজোর রিপোর্ট অনুসারে, হলিউডে আয়ের দিক থেকে শীর্ষস্থানটি দখলে রেখেছে এই অ্যানিমেশন সিনেমাটি। হলিউড বক্স অফিসে থিয়েটার এবং ওটিটি মিলিয়ে এ বছর সবচেয়ে সফল সিনেমার

নাম 'ইনসাইড আউট ২'। কেলসি মান পরিচালিত ২০০ মিলিয়ন ডলার বাজেটের সিনেমাটি অকল্পনীয় সাফল্য পেয়েছে। বিশ্বজুড়ে এটি আয় করেছে প্রায় ১.৭ বিলিয়ন মার্কিন ডলার। অ্যানিমেটেড এ সিনেমায় অভিনয় করেছেন অ্যামি পোয়েলার, মায়াম হক।

ডেডপুল অ্যান্ড উলভারাইন

দ্বিতীয় স্থানে রয়েছে শন লেভি পরিচালিত 'ডেডপুল অ্যান্ড উলভারাইন'। ২০০ মিলিয়ন মার্কিন ডলার বাজেটের আমেরিকান সুপার হিরো বেইজড এ সিনেমা বিশ্বজুড়ে ব্যবসা করেছে ১.৩৩ বিলিয়ন মার্কিন ডলার।

ডেপিকেবল মি ৪

অ্যানিমেটেড কমেডি সিনেমা 'ডেপিকেবল মি ৪'র বাজেট ছিল মাত্র ১০০ মিলিয়ন ডলার। ক্রিস রেনড পরিচালিত এ সিনেমা রয়েছে তালিকার তিন নম্বরে। এটি আয় করেছে ৯৭০ মিলিয়ন মার্কিন ডলার।

মোয়ানা ২

ডোয়াইন জনসন, অলি ক্র্যাভেলহো প্রমুখ অভিনীত আমেরিকান অ্যানিমেটেড মিউজিক্যাল অ্যাডভেঞ্চার সিনেমা 'মোয়ানা ২' রয়েছে চতুর্থ অবস্থানে। ডেভিড ডেরিক জুনিয়র পরিচালিত ১৫০ মিলিয়ন মার্কিন ডলার খরচের এ সিনেমা বিশ্বজুড়ে আয় করেছে ৮০৪ মিলিয়ন মার্কিন ডলারের বেশি।

ডিউন: পার্ট ২

তালিকার পাঁচ নম্বরে রয়েছে এপিক সায়েন্স ফিকশন সিনেমা 'ডিউন: পার্ট ২'। ডেনিস ভিলেনিউব পরিচালিত জিন্দেয়া, টিমোথি ক্যালামেট প্রমুখ অভিনীত ১৯০ মিলিয়ন মার্কিন ডলার বাজেটের সিনেমাটি আয় করেছে ৭১৪ মিলিয়ন মার্কিন ডলার।

উইকেড

এ বছর দারুণভাবে আলোচনায় ছিলেন অভিনেত্রী আরিয়ানা গ্র্যান্ডি বিউটেরা। কারণ, তার অভিনীত মিউজিক্যাল ফ্যান্টাসি সিনেমা 'উইকেড' সাফল্য পেয়েছে। জন এম. চু পরিচালিত ১৫০ মিলিয়ন ডলার বাজেটের সিনেমাটি ৬৩৪ মিলিয়ন মার্কিন ডলার আয় করে রয়েছে তালিকার ষষ্ঠ অবস্থানে।

গডজিলা ভার্সেস কং: দ্য নিউ এমপায়ার

অ্যাডাম উইনগার্ড পরিচালিত রেবেকা হল, ব্রায়ান টাইরি হেনরি প্রমুখ অভিনীত আমেরিকান সিনেমা 'গডজিলা ভার্সেস কং: দ্য নিউ এমপায়ার'। ১৫০ মিলিয়ন ডলার বাজেটের সিনেমাটি প্রায় ৫৭২ মিলিয়ন মার্কিন ডলার আয় করে অবস্থান নিয়েছে সাত নম্বরে।

কুং ফু পাভা-ফোর

অষ্টম অবস্থানে রয়েছে অ্যানিমেটেড মার্শাল আর্টস ও কমেডি সিনেমা 'কুং ফু পাভা-ফোর'। মাইক মিচেল পরিচালিত মাত্র ৮৫ মিলিয়ন



বাজেটের সিনেমাটি বিশ্বজুড়ে আয় করেছে প্রায় ৫৫০ মিলিয়ন মার্কিন ডলার। এতে অভিনয় করেছেন জ্যাক ব্র্যাক, অকওয়াফিনা প্রমুখ।

ভেনম: দ্য লাস্ট ড্যান্স

আমেরিকান সুপারহিরো সিনেমা 'ভেনম: দ্য লাস্ট ড্যান্স' সিনেমাটি রয়েছে তালিকার নয় নম্বরে। কেলি মার্কেল পরিচালিত ১২০ মিলিয়ন ডলার খরচে নির্মিত সিনেমাটি আয় করেছে ৪৭৬ মিলিয়ন মার্কিন ডলার।

বিটলজুস বিটলজুস

হলিউড বক্স অফিস সেরা দেশের সর্বশেষ অবস্থানে রয়েছে টিম বার্টন পরিচালিত 'বিটলজুস বিটলজুস' সিনেমাটি। আমেরিকান গোথিক ডার্ক ফ্যান্টাসি কমেডি হরর সিনেমায় অভিনয় করেছেন উইনোনা রাইডার, মনিকা বেলেচি প্রমুখ। ১০০ মিলিয়ন ডলার বাজেটের সিনেমাটি বিশ্বজুড়ে আয় করেছে ৪৫১ মিলিয়ন মার্কিন ডলার।

বলিউড

২০২৪ সালের বলিউড বক্স অফিস ছিল নানা চমক। এখন পর্যন্ত 'স্ত্রী টু' আছে শীর্ষে। তবে হিন্দির সঙ্গে পাণ্ডা দিয়ে দক্ষিণ ভারতের সিনেমাগুলোও বক্স অফিস মাতিয়েছে সমান তালে। ২০২৪-এর বলিউড সেরা ১০ সিনেমার তালিকা দেখে নেওয়া যাক।

ফাইটার

'ফাইটার' ছিল বছরের প্রথম বলিউড হিট। দীপিকা পাড়ুকোন এবং হৃতিক রোশন অভিনীত ছবিটি ভারতীয় বক্স অফিসে ২১২ কোটি ৭৯ লাখ রুপি আয় করেছে।

হনু-ম্যান

'হনু-ম্যান' ছিল মূলত একটি তেলেগু ফিল্ম। এই বছরের সবচেয়ে প্রশংসিত গল্পগুলোর মধ্যে একটি। সিনেমাটির শুধু হিন্দি ভাষার সংস্করণ ব্যবসায় করেছে ৫২ কোটি ২৯ লাখ রুপি।

তেরি বাতো মে অ্যাইসা উলঝা জিয়া

'তেরি বাতো মে অ্যাইসা উলঝা জিয়া' ৯ ফেব্রুয়ারি বলিউডে মুক্তি পায়। ভারতীয় বক্স অফিসে এটি

আয় করে ৮৫ কোটি ১৬ রুপি। প্রধান চরিত্রে ছিলেন কৃতি শ্যানন এবং শহীদ কাপুর।

আর্টিকল ৩৭০

ইয়ামি গৌতম অভিনীত আর্টিকল ৩৭০ আয় করে ৭৮ কোটি ১২ লাখ রুপি। সিনেমাটির এই সাফল্য ছিল অপ্রত্যাশিত।

লাপান্তা লেডিস

কিরণ রাওয়ের লাপান্তা লেডিস-এর সাফল্য শুধুমাত্র অর্থের অঙ্কে পরিমাপ ভুলই হবে। যদিও সিনেমাটি প্রেক্ষাগৃহ থেকে আয় করেছিল ২১ কোটি ১১ লাখ রুপি, কিন্তু নারীবাদী দৃষ্টিকোণ থেকে নির্মিত এর গল্প সমাজে দারুণ প্রভাব ফেলেছে।

শয়তান

অজয় দেবগন এবং আর মাধবন অভিনীত 'শয়তান' বক্স অফিসে রীতিমতো আগুন লাগিয়ে দেয়। ভারতে এর আয় গিয়ে দাঁড়ায় ১৪৮ কোটি ২১ লাখ রুপি।

মুনজিয়া

ম্যাডক ফিল্মস এর হরর-কমেডি 'মুনজিয়া' বক্স অফিসে পায় হিট সিনেমার তকমা। ছবিটি ভারতে ১০২ কোটি ৫৩ লাখ রুপি আয় করে।

চান্দু চ্যাম্পিয়ন

কার্তিক আরিয়ান অভিনীত চান্দু চ্যাম্পিয়ন ভারতের চলচ্চিত্র সমালোচকদের ব্যাপক প্রশংসা পায়। কবির খান পরিচালিত এই সিনেমাটি ৬৩ কোটি ৫৬ লাখ রুপি আয় করে।

কক্কি টু

২৭ জুন মুক্তি পায় 'কক্কি টু এইট নাইন এইট এডি'। বক্স অফিস কাঁপানো এই সিনেমাটি এই বছরের সবচেয়ে বেশি ব্যবসা সফল সিনেমা হিসেবে আবির্ভূত হয়েছিল। হিন্দি সংস্করণে, এটি ভারতীয় বক্স অফিসে ২৯৩ কোটি ১৩ লাখ রুপি আয় করে।

স্ত্রী টু

সবাইকে ছাড়িয়ে গেছে স্ত্রী টু। ভারতের প্রেক্ষাগৃহগুলোতে দাপটের সঙ্গে চলছে এখনও। এখন পর্যন্ত ভারতীয় বক্স অফিসে এই ছবির আয় ৫৬৪ কোটি রুপি।

হলিউডের যত আলোচিত ঘটনা

২০২৪-এ যুক্তরাষ্ট্রের বিনোদনে অন্যতম আলোচিত ঘটনা র‍্যাপার শন ডিডি কম্বসের গ্রেপ্তার। তার বিরুদ্ধে হাজারো নারীর যৌন নিগ্রহের অভিযোগ। এ ছাড়া অবৈধ মাদক বাণিজ্য, ব্ল্যাকমেলসহ নানা অভিযোগে বিদ্ধ ডিডি। অভিনেত্রী চিটা রিভেরা, কিংবদন্তি প্রযোজক কুইন্সি জোনস, সঙ্গীতশিল্পী লিয়াম পেইনের মতো তারকাদের মৃত্যু ব্যথিত করেছে হলিউডপ্রেমীদের মন। চার্লি পুথ, লানা দেল রের বিয়ে নিয়ে যেমন আলোচনা হয়েছে, তেমনি থেমে থেমে আলোচনার জোগান দিয়েছে টেইলর সুইফট ও ট্রাভিস কেলসের প্রেম। আবার বছরজুড়ে পশ্চিমা দেশগুলোতে আগ্রহের কেন্দ্রেও ছিল সুইফটের বিখ্যাত 'দ্য এরাস টুর' কনসার্ট।

বলিউডের আলোচিত ঘটনা

২০২৪ সালে ভূয়সী প্রশংসা পেয়েছে 'মহারাজা', 'মেইয়াডাগান' কিংবা 'বাজহাই'-এর মতো ছবিগুলো। আল্লু অর্জুনের গ্রেপ্তার হওয়ার ঘটনা নাড়া দিয়েছে গোটা দক্ষিণ ভারতকে। এ আর রহমান ও সায়রা বানুর দীর্ঘ ২৯ বছরের সংসারে বিচ্ছেদের খবরে হতবাক হয়েছেন অনেকে। বছরজুড়ে 'দিললুমিনাতি' কনসার্ট টুর দিয়ে আলোচনায় ছিলেন দিলজিৎ দোসাজ। আরও নানা ঘটনায় আলোচনায় ছিলেন বলিউডের বেশ কয়েকজন তারকা। বছরব্যাপী আলোচনা হয়েছে অভিষেক বচন ও ঐশ্বরীয়া রাই বচনের বিচ্ছেদ গুঞ্জন নিয়ে। যদিও তারা এ নিয়ে টু শব্দটি করেননি; বরং বিভিন্ন সময়ে একসঙ্গে দেখা দিয়ে গুঞ্জনের আগুন নেভানোর চেষ্টা করেছেন। অভিনেত্রী পুনম পাণ্ডের মৃত্যুর নাটক ছিল সমালোচনার কেন্দ্রে। জরায়ুমুখ ক্যানসারের বিষয়ে সচেতনতা বাড়াতে নিজের মৃত্যুর গুজব রটিয়েছিলেন তিনি। এ বছর ভারতের লোকসভা নির্বাচনে সংসদ সদস্য হয়েছেন কঙ্গনা রানাওয়াত। সেটা যেমন আলোচনায় ছিল, আবার চণ্ডীগড় বিমানবন্দরে নিরাপত্তারক্ষীর হাতে চড় খেয়েও টক অব দ্য টাউন হয়েছিলেন অভিনেত্রী। রাকুলখীত সিং বিয়ে করেছেন প্রযোজক জ্যাকি ভগনানিকে, সোনাক্ষী সিনহা মালা পরিয়েছেন অভিনেতা জহির ইকবালের গলায়।